

LATIHAN 2 Pantun Dua Kerat (Nasihat)

Baca bahan di bawah dengan telitinya dan jawab soalan-soalan yang berikutnya.

Soalan 1 – 5 berdasarkan bahan di bawah.

PANTUN DUA KERAT (NASIHAT)

- | | | | |
|---|---|---|--|
| 1 | Berapa jauh wujud dengan sifat,
Sejauh lutut dengan pelipat. | 4 | Emas, perak, tembaga, suasa,
Malas bergerak tidak merasa. |
| 2 | Sarang semut dalam gelap,
Orang selimut selalu lelap. | 5 | Buah sintang buah senikul,
Satu memegang satu memikul. |
| 3 | Hitam-hitam pucuk kawa,
Sungguh hitam dipandang lawa. | | |

Daripada Antologi *Kuingin Berterima Kasih*, Tingkatan 1,
Kementerian Pendidikan Malaysia

1. Apakah maksud rangkap ketiga pantun?
 - A Rupa paras setiap orang ditentukan oleh Tuhan.
 - B Setiap orang mempunyai kelebihan masing-masing.
 - C Baik buruk seseorang tidak dapat dinilai secara luaran.
 - D Orang yang malas bekerja tidak akan memperoleh hasil.
2. Apakah pengajaran yang terdapat dalam rangkap terakhir pantun?
 - A Kita hendaklah bersyukur atas nikmat Tuhan.
 - B Kita hendaklah rajin berusaha demi mencapai kejayaan.
 - C Kita hendaklah sentiasa bekerjasama dalam melakukan sesuatu pekerjaan.
 - D Kita hendaklah tabah dalam menempuh segala dugaan dalam kehidupan.
3. Nilai yang berikut terdapat dalam pantun di atas **kecuali**
 - A kerjasama.
 - B rasional.
 - C kesyukuran.
 - D keadilan.
4. Yang berikut ialah persoalan yang hendak dipaparkan dalam pantun ini **kecuali**
 - A hubungan yang erat antara satu sama lain.
 - B semangat kerjasama dalam kehidupan bermasyarakat.
 - C sikap sombong perlu dijauhi dalam diri
 - D orang yang malas berusaha tidak akan memperoleh kejayaan.
5. Apakah tema pantun di atas?
 - A Amalan hidup berjasa
 - B Nasihat ke arah kebaikan
 - C Amalan yang baik dalam kehidupan
 - D Cabaran dalam mengukuhkan hubungan persaudaraan